

15.Maj. 2019

UPA2019/175

**Maleruagassat atuuttut aqutugalugit aalisarnerup aqutsivigineqarnerata allanngortinneratigut Upernaviup aqutsiveqarfiani qaleralittassiisutit tamakkerlugit aalisarneqarsinnaanissaanik UKA2019 sioqqullugu qulakkeerinneqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut.**

(Inatsisartunut ilaasorta q Aqqaluaq B. Egede, Inuit Ataqtigiit)

Upernaviup aqutsiveqarfiani qaleralittassiisutit tamakkerlugit aalisarneqartarnissaanik, Naalakkersuisut qulakkeerinneqqullugit peqquneqarneqarnissaanik Inatsisartut aalajangiiffigisassaattut siunnersuut, Inatsisartuni ilaasortap Aqqaluaq B. Egede-ip siunnersuutaanut Siumumiit quttsavigaarput, Naalakkersuisullu siunnersuummut akissutaat ilanngullugu Siumumiit imaatunik oqaaseqarfigissavagut.

Ukioq 2018-mi qaleralinnut pissassiiviusoq Upernaviup aqutsiveqarfiani 9.500 tonsiusut, taakkunannga Angallammik aalisartut pisassarimavaat 4.231 tonsit, Angallammillu aalisartut pisarisimavaat 1.387 tonsit, pisarinngittsoorsimallugillu 2.844 tonsit, Umiatsiaararsorluni aalisartut pisassarimavaat 5.269 tonsit, Umiatsiaararsorlunilu aalisartut pisarisimavaat 3.332 tonsit, pisarinngittsoorsimallugillu 1.937 tonsit, Angallatersortut aammalu umiatsiaararsortut pisarisimavaat katillugit 4.719 tonsit, pisarinngittsoorsimallugillu 4.781 tonsit.

Tamakkerlugit pisarineqanngittsoortarnerinut suut peqqutaasarnersut apeqqutit tamassumunga attuumassutillit arlalippassuit nassatarigai qularutissaanngilaq, qanorlu iliornikkut tamakkua anigorniarneqarsinnaaneri sulissutigineqartariaqarpoq.

Peqqutaaqataasinnaasut ilaat taagorniaraluassavagut, umiarsualiisarnermut piumasaqaatit nalimmassalugillu qasuterneqartariaqarput, tuninitsiveqarneq qerititsiveqarneq nukittorserneqartariaqarpoq, tunisassianik naammassisanik assartuineq nalilersorneqartariaqarpoq, Aalisarnermut aqutsiveqarneq nalilersuiffigeqqinneqartariaqarpoq, Umiatsiaqqat 6-meterinut killiligaasimqanerat 9-meterinut qaffanneqarnissaa nalimmassartariaqarpoq il.il. Naalakkersuisut suliakkiisimanerat pissangalluta utaqqissavarput taamaatorli massakkut iliuuserisinnaasa naammassineqartariaqarput.

Taamatut oqaaseqarluta Naalakkersuisut allannguutissatut siunnersuutaat taparserparput.

Henrik Fleischer, Siumut